

Bosna i Hercegovina
Federacija Bosne i Hercegovine
TUZLANSKI KANTON
KANTONALNI SUD U TUZLI
Broj: 003-0-Su-21-000 261
Datum, 11. oktobar 2021. godine

**INFORMACIJA O PREDMETIMA RATNIH ZLOČINA
U KOJIMA SU OPTUŽENA LICA NEDOSTUPNA**

Dana 22.07.2021. godine Kantonalni sud u Tuzli obavijestio je smo javnost da za 2021. godinu nije sačinjen Plan rješavanja predmeta ratnih zločina, jer ovaj sud zaprimio ni jedan aktivan predmet ratnog zločina u kojem bi se mogao krivični postupak odvijati nesmetano.

Trenutno se u Kantonalnom sudu u Tuzli nalaze 2 predmeta ratnih zločina u kojima ne postoje procesne pretpostavke da bi se mogao postupak suđenja odvijati u ovim predmetima, jer je optuženo, odnosno osumnjičeno lice nedostupno ovom sudu, radi čega su protiv ovih lica raspisane potjernice, a protiv jednog lica doneseno je rješenje o ustupanju krivičnog gonjenja Republici Srbiji.

Radi se o predmetu broj 03 0 K 011847 16 K 2, protiv optuženog B.M. zbog krivičnog djela – Ratni zločin protiv civilnog stanovništva – iz člana 142. stav 1. preuzetog Krivičnog zakona SFRJ, koji je nedostupan i nalazi se u bjekstvu u Republici Hrvatskoj i protiv kojeg je raspisana potjernica. U ovom predmetu u skladu sa članom 433. Zakona o krivičnom postupku Federacije BiH i Sporazuma između Bosne i Hercegovine i Republike Hrvatske o pravnoj pomoći u građanskim i krivičnim stvarima sud je preduzeo aktivnosti da se krivično gonjenje protiv optuženog B.M. ustupi Republici Hrvatskoj, ukoliko se oštećeni ne protivi takvom ustupanju. Oštećeni se na zahtjev ovog suda pismeno izjasnio da se protivi takvom ustupanju, tako da se predmet ne može ustupiti Republici Hrvatskoj, radi čega je neaktivan sve dok optuženi ne bude priveden po raspisanoj potjernici ovom sudu.

U predmetu broj 03 0 K 012459 14 Kps, protiv osumnjičenog M.T. zbog krivičnog djela – Ratni zločin protiv čovječnosti – iz člana 172. stav 1. tačka a) i h) Krivičnog zakona Bosne i Hercegovine u vezi sa članom 29. istog Zakona, osumnjičeni je nedostupan i nalazi se u bjekstvu u Republici Srbiji. Postupajući sudija nekoliko puta je dostavljao putem Ministarstva pravde BiH zamolnice nadležnim institucijama Republike Srbije i tražio ekstradiciju osumnjičenog. Obzirom da je protekao značajan vremenski period, a da nije osumnjičeni izručen pravosudnim organima Bosne i Hercegovine, dana 18.08.2021. godine postupajući sudija je donio rješenje u navedenom predmetu da se krivično gonjenje ustupi Republici Srbiji. Navedeno rješenje je putem međunarodne

pravne pomoći, odnosno putem Ministarstva pravde BiH dostavljeno Višem sudu u Beogradu pred kojim je pokrenut postupak ekstradicije protiv osumnjičenog i određena mjera pritvora. Od strane Višeg suda u Beogradu putem Ministarstva pravde BiH još nije dostavljeno izjašnjenje Kantonalnom sudu u Tuzli da li pravosudni organi Republike Srbije prihvataju krivično gonjenje optuženog M.T.

U oba predmeta sudije koje su zadužene predmetima dostavljaju redovno izvještaje Visokom sudskom i tužilačkom vijeću BiH i Sudu Bosne i Hercegovine o statusu ovih predmeta i razlozima zbog kojih se u ovim predmetima ne mogu zakazati suđenja i efikasno postupati u skladu sa Revidiranom državnom strategijom za procesuiranje predmeta ratnih zločina.

PREDSJEDNIK SUDA

Indira Hadžimehmedović